

序

《世本》十五篇，見《漢·藝文志》，蓋古史官所記也。其書舊目不可復得，今可識者，《世本》有《帝繫篇》，見《書序》正義，又釋元應《一切經音義》二十三，有《世本本紀》，見《春秋穀梁·襄二十五年》疏、《史·三代世表》索隱、《左·襄二十一年》正義引《世本記》。“記”“紀”同也。有《世本世家》，見《左·桓三年》、《閔二年》、《襄二十一年》、《二十九年》、《定元年》正義，《史·田齊世家》索隱。有《傳》，見《史·魏世家》索隱。有譜，見《隋·經籍志》。又有《氏姓篇》，見《左隱十一年》正義及《史秦本紀》集解。有《居篇》，見《史·吳世家》、《魏世家》索隱。有《作篇》，見《周禮》及《禮記》鄭注。《禮》正義亦云《世本》有《作篇》。又當有《諡法》一篇，見沈約《諡法序》。故司馬遷作《史記》，多依用之。然《春秋》正義云：“今之《世本》，與遷言多有不同。如《世本》陳無利公，見《左·桓十一年》正義；韓無列侯，趙無武公，田齊無悼子及侯剡，見《史》索隱。大抵秦火之餘，轉寫訛脫。孔穎達諸儒得此失彼，往往以為未可據信，其實非原書之失也。至如《世本》無有陽國，見《左·閔二年》正義；《世本》無魏君名諡、檜君號諡，并見《左·襄

二十九年》正義；杜預《釋例》引《世本》無許叔，皆晉唐人所見之本，雖非原書，然猶可想見此書之舊。又如《史·夏本紀》索隱引《世本》姒姓，不云彤城及褒，《殷本紀》索隱引《世本》子姓無稚氏，《孔子世家》索隱引《世本》無漆姓，亦並足與後來氏姓之書互相取證。王應麟《讀孟子注》，謂可備參考，良有以也。他如《世本》琵琶不載作者引見，《初學記》引傅元《琵琶賦序》，則《世本·作篇》之所載者不可不知。其書至宋已不傳，國朝錢大昭嘗據書傳所引，集為《作篇》、《居篇》、《氏姓篇》、《王侯大夫譜》，共四篇。孫馮翼復據諸書補其未備，刊載《問經堂叢書》中，然其中失載者亦夥。至孫星衍所藏淡生堂抄輯《世本》二卷，洪飴孫所編《世本》四卷，外間俱未之見。江都秦嘉謨因其書作《世本輯補》刊行，而所補者類皆司馬遷、韋昭、杜預之說，注欠分曉，多與《世本》原文相汨，轉覺《世本》一書，蕩然無復畧界矣。泮林輯為此書，與秦同時，繼聞秦書刊行，遂置不錄。而又終恐後日之以似失真也，爰仍據所輯舊稿，釐為六卷，錄成一編，并附纂《諡法》數條於後，庶幾周秦以上之書，可藉是以傳其舊，且其中尤有補秦書之所未備者，考古者或有取焉爾。道光元年冬十月高郵茆泮林識。

世本諸書論述

《尚書序》正義曰：“《大戴禮》：‘帝繫出於《世本》。’”

《周禮》：“瞽矇諷誦詩，世奠繫。”鄭元注曰：“世之而定其繫，謂書於《世本》也。”

《周禮》：“小史掌邦國之志，定繫世，辨昭穆。”鄭元注曰：“帝繫世本之屬。”孔穎達疏：“天子謂之帝繫，諸侯謂之世本。”

《漢書·藝文志》：“《世本》十五篇，古史官記黃帝以來迄春秋時諸侯大夫。”

《漢書·梅福傳》：“綏和元年，以《世本》相明封孔子世。”

《漢書·司馬遷傳》贊曰：“孔子因史記而作《春秋》，而左邱明論輯其本事以為之傳，又纂異同為《國語》。又有《世本》，錄黃帝以來至春秋時帝王公侯卿大夫祖世所出。春秋之後，七國並爭，秦兼諸侯，有《戰國策》。漢興，代秦定天下，有《楚漢春秋》。故司馬遷據《左氏》、《國語》，采《世本》、《戰國策》、《楚漢春秋》，接其後事^①”。

①案：《史集解》、《索隱正義序》多引之。

《後漢書·班彪傳》：《漢書》略論曰：“唐虞三代，世有史官，以司典籍，暨於諸侯，國自有史，故定哀之間，左邱明論集其文，作《左傳》三十篇，又撰《國語》二十篇。又有記錄黃帝以來至春秋時帝王公侯卿大夫，號曰《世本》，一十五篇。春秋之後，則有《戰國策》三十三篇。漢興，陸賈作《楚漢春秋》九篇。孝武之世，太史令司馬遷采《左氏》、《國語》，刪《世本》、《戰國策》，據楚、漢列國時事，上自黃帝，下迄獲麟，作本紀、世家、列傳、書、表凡百三十篇。”

又曰：“夫百家之書，猶可法也。若《左氏》、《國語》、《世本》、《戰國策》、《楚漢春秋》、《太公史書》，今之所以知古，後之所由觀前，聖人之耳目也。”

韋昭《國語解序》曰：“以《世本》攷其流。”

《隋書·經籍志》：“《世本王侯大夫譜》二卷，《世本》二卷，劉向撰。《世本》四卷，宋衷撰①。”

①案：《史記集解序》索隱引劉向曰：“《世本》，古史官明於古事者之所記也，錄黃帝以來帝王諸侯及卿大夫系諡名號，凡十五篇。”據此，蓋《別錄》之文，當是秦火之餘，劉向從校書後錄出，非即劉向撰也。又案：王應麟《玉海》五十亦曰：“司馬遷已采《世本》，恐非向撰。若宋衷，則《世本》之撰注者。”

又曰：“漢初得《世本》，叙黃帝以來祖世所出。”

《舊唐書·經籍志》：“《世本》四卷，宋衷撰。《世本別錄》一卷，《帝譜世本》七卷，宋均（注）〔撰〕。《世本譜》二卷。”

《新唐書·藝文志》：“宋衷《世本》四卷，《別錄》一卷，宋均注《帝譜世本》十卷。王氏注《世本譜》二卷①。”

①王應麟《玉海》四十七：“案：《藝文志》唐十三類史錄譜牒類，《世本》至著姓略記十七家，三十九部，一千六百一十七卷。又案：《唐六典》史類十二曰：譜系以紀氏族繼序。《世本》等四十一部，三百六十卷。譜牒之書，以《世本》為首。”

劉知幾《史通》曰：“帝王苗裔，公侯子孫，餘慶所宗，百世無絕。能言吾祖，郟子見師於孔公；不識其先，籍談取誚於姬后。故周撰《世本》，式辨諸宗；楚置三閭，實掌王族。”

《春秋左傳》孔穎達正義曰：“杜君采《太史公書》、《世本》，旁引傳記，以為《世族譜》，略記國之興滅。”

又曰：“杜據《世本》、《史記》，作《世族譜》，說諸國滅亡之年。”

柳冲進《姓族系錄表》曰：“姓氏之初，《世本》著其義；昭穆之叙，《周譜》列其風。”

柳芳《族譜總論》曰：“氏族者，古史官所記也。昔周小史定繫世，辨昭穆，故古者有《世本》，錄黃帝以來至春秋時諸侯卿大夫名號繼統。秦既滅學，諸侯子孫失其本系。漢興，司馬遷父子乃約《世本》修《史記》，因《周譜》明世家，乃知姓氏之所由出。”

歐陽修《帝王世次圖序》曰：“司馬遷作本紀，出於《大戴禮》、《世本》諸書。今依其圖而考之，堯舜夏商周，同出黃帝。”

劉恕《通鑑外紀》：“世本經秦歷漢，儒者改易。”

鄭樵《通志·氏族略序》曰：“凡言姓氏者，皆本《世本》、《公子譜》二書，二書皆本《左傳》。”

王應麟《漢志攷》引顏之推云：“《世本》，左邱明所

作^①，而有燕王喜、漢高祖，非本文也^②。”

①此說出皇甫謐《帝王世紀》。 ②顏說見《家訓書證篇》。

王應麟《玉海》五十引晁氏志云：“唐張九齡撰《姓源韻譜》，依《春秋正典世本圖》，摺摭諸書纂為此譜，分四聲以便尋閱。”

目 錄

序·····	1
世本諸書論述·····	1
帝王世本·····	1
黃帝(1)少皞(2)顓頊(2)陸終六子附(3)帝嚳(3)帝堯 (4)帝舜(4)夏(4)殷(5)周(6)共和附(7)威烈王附(8)赧 王附(8)武公附(8)	
諸侯世本·····	9
魯(9)齊(10)晉(10)秦(11)楚(11)宋(12)衛(12)陳(13) 蔡(13)曹(13)鄭(13)燕(14)吳(14)杞(14)滕(14)韓 (15)趙(15)魏(15)田齊(16)莒(16)邾(16)隨(16)鄒 (17)舒鮑(17)空桐(17)黎(17)比(17)髦(17)枋(17)段 (17)瓦(17)鐵(17)蜀(17)	
卿大夫世本 ·····	18
魯(18)齊(20)晉(22)衛(25)宋(26)鄭(28)陳(28)楚 (29)	
世本氏姓篇 ·····	30
姜姓(30)姬姓(30)己姓(31)任姓(31)姁姓(32)姚姓 (32)姁姓(32)子姓(32)偃姓(33)嬴姓(33)已姓(34)董 姓(34)防姓(34)姁姓(34)曹姓(35)牟姓(35)熊姓(35)	

歸姓(35)允姓(35)曼姓(35)公父氏(35)中行氏(36)鳩氏(36)差師氏(36)師子氏(36)司城氏(36)司寇氏(36)司功氏(36)詹葛氏(37)齊季氏(37)西陵氏(37)韓言氏(37)安是氏(37)强梁氏(37)常壽氏(37)乘氏(38)曾氏(38)南宮氏(38)甘士氏(38)子叔氏(38)子革氏(38)子尚氏(39)子郢氏(39)子午氏(39)子獻氏(39)子蕩氏(39)子工氏(39)子揚氏(39)子芒氏(40)史晁氏(40)楚季氏(40)楚鳩氏(40)馬師氏(40)右師氏(40)右史氏(40)仲行氏(41)季融氏(41)季隨氏(41)季嬰氏(41)大季氏(41)邵皓氏(41)鬬門氏(41)叔向氏(41)叔夙氏(42)不夷氏(42)伯宗氏(42)巴氏(42)蒺氏(42)狐邱氏(42)閭邱氏(42)廩邱氏(43)東鄉氏(43)西鄉氏(43)鄧州氏(43)少施氏(43)子乾氏(43)子泉氏(43)子占氏(44)根水氏(44)囂氏(44)述氏(44)季嬰氏(44)大狐氏(44)大戊氏(45)去疾氏(45)季老氏(45)泥氏(45)方叔氏(45)慶父氏(45)韓餘氏(45)榦獻氏(46)將軍氏(46)右師氏(46)伍參氏(46)鬬班氏(46)鬬彊氏(46)尹文氏(46)恒氏(47)瞻葛氏(47)甫爽氏(47)公旗氏(47)公他氏(47)公牽氏(47)公襄氏(47)公金氏(48)公朱氏(48)釐子氏(48)車遽氏(48)羌憲氏(48)羌師氏(48)唐孫氏(48)承氏(49)離子氏(49)子游氏(49)子孔氏(49)子士氏(49)子寤氏(49)子石氏(49)子穆氏(49)子然氏(50)子沮氏(50)子襄氏(50)子季氏(50)子成氏(50)卷子氏(50)雍門氏(50)季騶氏(51)太公氏(51)下門氏(51)涉其氏(51)融氏(51)羅氏(51)賜氏(51)墨夷氏(52)它氏(52)老成氏(52)陽氏(52)封父氏(52)仇氏(52)公之氏(52)公紀氏(53)唐孫氏(53)巴氏(53)樊氏(53)暉氏

(53)相氏(53)鄭氏(53)何氏(54)	
世本氏姓篇補遺	55
北唐氏(55)	
世本居篇	56
帝都(56)夏(56)殷(57)周(57)吳(57)魯(58)燕(58)蔡	
(58)晉(59)衛(59)鄭(59)曹(59)滕(59)杞(60)宋(60)	
楚(60)秦(60)邾(60)沈(61)胡(61)霍(61)暴(61)武羅	
(61)莒(61)韓(61)趙(62)魏(62)中山(62)	
世本作篇	63
燧人(63)庖犧(63)神農(64)黃帝(64)顓頊(68)堯(68)	
舜(69)夏(70)商(71)周(71)	
世本諡法篇	73
周赧王(73)西周武公(73)曹靖公(73)季文子(73)	
世本論述補遺	74
世本作篇補遺	75
世本雜錄	76
校點後記	77

帝王世本^①

①案：《周禮·瞽矇》“世奠繫”注引杜子春云：“繫謂帝繫諸侯卿大夫世本之屬是也。元謂世之而定其繫，謂書於世本也。”疏謂：“後鄭以世與繫為一事解之，對文言之。王謂之帝繫，諸侯卿大夫謂之世本。散則通，故云書於世本。世本即帝王繫也。”故今輯為《帝王世本》、《諸侯世本》、《卿大夫世本》。

黃 帝^①

①案：《書》正義：“《世本》以黃帝為首。”《史》正義：“《世本》以黃帝、顓頊、帝嚳、唐堯、虞舜為五帝。”《史》正義、索隱又引孫氏注：“《世本》以伏羲、神農、黃帝為三皇，以少昊、顓頊、高辛、唐、虞為五帝。”孫氏未知何時人，今輯依黃帝為首，故《路史·後紀》注有引《世本》“尊廬氏在伏羲後”之文，棄而不錄，而以諸書所引《世本》少暉文，叙錄於次。

注：號有熊者，以其本是有熊國君之子故也。亦號軒轅氏。《史·五帝本紀》索隱單行本。

黃帝娶於西陵之女，謂之嫫祖，產青陽及昌意。《山海經海內經》注。黃帝娶西陵氏女為妃，名嫫祖。《廣韻》十一齊注。

少 皞

少皞是黃帝之子。《左·昭元年》正義。金天氏少皞。全上。青陽即是少皞，黃帝之子，代黃帝而有天下，號曰金天氏。《左·昭十七年》正義。少昊名摯。《路史·後紀》注。少昊，黃帝之子，名契，字青陽。黃帝沒，契立，王以金德，號金天氏。同度量，調律呂，封泰山，作九泉之樂，以鳥紀官。全上。宋衷曰：元囂青陽，即少昊也。《史·五帝本紀》索隱。又曰：元囂青陽，是為少昊，繼黃帝而立者，而史不叙。蓋少昊金德王，非五運之次，故叙五帝，不數之也^①。全上。

①三代世表引同，無“而史不叙”四字。

顓 頊

顓頊是黃帝之孫。《左·昭元年》正義。黃帝生昌意，昌意生顓頊。《山海經·海內經》注。昌意生高陽，是為帝顓頊。顓者專也，頊者正也，言能專正天之道也^①。《玉篇·頁部》。宋衷曰：“顓頊名高陽，有天下號也。《史·五帝本紀》索隱。顓頊母濁山氏之子，名昌僕。《山海經·海內經》注。顓頊娶於滕墳氏之子，謂女祿，是生老童。《山海經·大荒西經》注、《御覽》一百三十五。宋衷曰：滕墳，國名^②《御覽》全上。顓頊生偁，偁生卷章。《路史·後紀》注。高陽生稱，稱生卷章，卷章生黎。《左·襄二十九年》正義。老童娶於根水氏，謂之驕福，生重及黎^③。《山海經·大荒西經》注。老童生重黎及吳回^④。《史·楚世家》集解。

①案：“顓者專也”下，似非本文。 ②《路史·國名紀》引宋衷注作“勝奔”。 ③鄧名世《姓氏書辨證》引“老童娶根水氏女”。《路史·後

紀》注引“根水”作“攄水”。《元和姓纂》二十五寒引“老童娶安是女”。

④《索隱》單行本引“老童生重黎”。

陸終六子附

陸終娶鬼方氏之妹，謂之女隤。是生六子，孕三年，啟其左肋，三人出焉；破其右肋，三人出焉。《水經·涓水》注。注：鬼方於漢，則先零戎是也。《文選·趙充國頌》注。其一曰樊，是為昆吾。昆吾者，衛是也^①。宋衷曰：昆吾，國名，己姓所出。《史·楚世家》索隱，下併同。二曰惠連，是為參胡。參胡者，韓是也。宋衷曰：參胡，國名。斯姓，無後。三曰錢鏗，是為彭祖。彭祖者，彭城是也。姓錢，名鏗，在商為守藏吏，在周為柱下史，壽八百歲。《莊子》釋文，《論語》正義。四曰求言，是為會人。會人者，鄭是也^②。宋衷曰：求言，名也，姁姓所出，鄆國也。其五曰安，是為曹姓。曹姓者，邾是也。宋衷曰：安，名也。曹姓者，諸曹所出也。六曰季連，是為牟姓。牟姓者，楚是也。宋衷曰：季連，名也。牟姓，諸楚所出，楚之先。

①《史·楚世家》集解引下一語，索隱引上二語，下併同。今據《水經·涓水注》引鄆人條併為一。 ②《水經·涓水》注引“求言”作“萊言”。

帝 嚳

嚳，黃帝之曾孫。《路史·後紀》注。

帝嚳卜其四妃之子，皆有天下。上妃有邠氏之女，曰姜嫄，而生后稷；次妃有娥氏之女，曰簡狄，而生契；次妃陳鋒^①氏之女，曰慶都，生帝堯；下妃嫫毐氏之女，曰常

儀，生摯^②。《詩生民》正義帝嚳上妃有邰之女，曰姜原^③。《史·外戚世家》索隱。宋衷曰：高辛，地名，因以為號。嚳，名也。《史·五帝本紀》索隱。

①《史·五帝本紀》索隱引作“鄴”。 ②《藝文類聚》十引與《詩》正義略同。《御覽》一百三十五引有脫字。 ③《路史·後紀》注引“姬為上妃”。

帝 堯

堯是黃帝曾孫。《書·堯典》正義。黃帝生元囂，元囂生僑極，僑極生帝嚳，帝嚳生堯。全上。帝堯為陶唐氏。《書·五子之歌》正義帝堯娶散宜氏之子，謂之女皇。《御覽》一百三十五。女皇生丹朱。《路史·後紀》注。宋衷曰：是生丹朱。《御覽》全上。

帝 舜

舜是黃帝八代之孫。《書·堯典》正義。舜為高陽五世孫。《路史·後紀》注。顓頊生窮係。《史·三代世表》索隱。宋衷曰：一云窮係，謚也。《史》索隱全上。帝舜有虞氏。《路史·後紀》注。配以盲，姪以瑩。從上增。盲即娥皇，字娥姪；瑩即女英。《路史》全上。舜時西王母獻白環及玦^②。《藝文類聚》六十七。

①《史帝紀》索隱引“女瑩”。 ②《文選·景福殿賦》、《與陳伯之書》注併引《世本》，“玦”作“佩”。

夏

顓頊生鯀。《山海經·海內經》注。鯀為顓頊子。《史·夏本紀》索隱。鯀娶有辛氏，謂之女志，是生高密。全上。《御覽》一百三十五。宋衷曰：高密，禹所封國。《史》索隱全上。

顓頊生脙，脙生高密，是為禹也^①。《玉篇·骨部》。禹娶塗山氏，名女媧^②。《史·夏本紀》。

①《路史·後紀》注引：“脙生高密，是為禹，宋曰禹之封國。” ②《索隱》、《路史·後紀》注引“女媧”作“后嬌”。

啟，禹子。《書·益稷》正義。

帝杼。《史·夏本紀》索隱。

帝芬。全上。

帝降。全上。

帝皋生發及桀。全上。帝皋生發及履癸。履癸一名桀。《史·三代世表》索隱。宋衷曰：帝皋墓在穀南陵。《史》全上。

殷

契是帝嚳子。《書·帝嚳序》正義。

契生昭明，昭明生相土，相土生昌若，昌若生曹圉^①，曹圉生根國，根國生冥。《禮·祭法》正義。

案：《史記殷本紀》，無根國一世。鄭注《禮》云：“冥，契之六世孫也。”康成必有所據。孔疏引《世本》作證，仍作“曹圉”。竊疑索隱所見“樞圉”，係字形相近，轉寫脫“根國”之訛。

宋衷曰：冥為司空，勤其官事，死於水中，殷人郊之。《史·殷本紀》集解。

①《史·殷本紀》索隱引作“樞圉”。

冥子核。《史·殷本紀》索隱。

湯名天乙。《書釋》文引馬融注《論語正義》。

太甲，湯孫。《左·襄二十一年》正義。太甲，太丁子。《書·伊訓序》正義。

太甲崩，子沃丁立。《書·沃丁序》正義。

小甲，太庚子。《史·三代世表》索隱。

仲丁是太戊之子。《書·仲丁序》正義。

河亶甲，仲丁弟也。全上

祖乙，河亶甲子。全上

祖乙崩，子祖辛立。崩，子開甲立。崩，弟祖丁立。崩，開甲之子南庚立。崩，祖丁子陽甲立。崩，弟盤庚立^①。《書·盤庚》正義。

①案：《史記·殷本紀》云：“祖乙崩，子祖辛立。崩，弟沃甲立。崩，立沃甲兄祖辛子祖丁。崩，立沃甲子南庚。崩，立祖丁子陽甲。崩，弟盤庚立。”《書·盤庚》正義引與此文小異，“沃甲”作“開甲”。《史》索隱云：“《世本》作‘開甲’也。”據此，則《書》正義所引，乃《世本》紀文。讀正義者或以上引鄭元云“盤庚湯十世孫”，“世”字宜屬上“十”字讀，故輯《世本》者多置其文不錄。愚案：正義當以十字絕句，此當為《世本》紀文。若仍是《史記·殷本紀》正義，前已引之，於此當作又云矣。

盤庚崩，弟小辛立。崩，弟小乙立。崩，子武丁立。《書·說命》正義。

祖辛。《史·三代世表》索隱。

紂伐有蘇，有蘇人以妲己女焉。紂愛妲己，妲己之言是從。武王殺之，斬以元戈，懸之小白旗。《御覽》一百三十五。

周

后稷生不窋，不窋生鞠陶，鞠陶生公劉，公劉生慶節，慶節生皇僕，皇僕生差弗，差弗生毀掄^①，毀掄生公非^②，公非生高圉^③，高圉生亞圉^④，亞圉生組紺^⑤，組紺生太王亶父，父生季歷，季歷生文王^⑥。《書·□□》正義。宋衷曰：高圉能率稷者也，周人報之^⑦。《史·周本紀》集解。

①《史》索隱引“偽掄”。②《史》索隱引“公非辟方”。③《史》索隱引“高圉侯侔”。④《史》索隱引“亞圉雲都”。⑤《史》索隱引“太公組紺諸蓋”。《禮·中庸》正義引作“亞圉雲生太公組紺諸蓋”。⑥《路史·後紀》注引《世本》：“公非辟方、高圉侯侔、亞圉雲都、組紺諸蓋太公。”

⑦案：《路史發揮》引《世本》：“從不窟而下至季歷，一十有七世。”又案《史·世表》，不窟至季歷，止十三世。“七”字疑誤。輯補徑改“不窟”作“黃帝”。愚以《殷世表》從湯至黃帝十七世之說較之，似又不相應，姑從蓋闕可也。

成王生康王。康王生昭王。《詩·民勞》正義康王生昭王。《禮·禮器》正義宋衷云：“昭王南伐楚，辛由靡爲右，涉漢中流而隕。由靡承王，遂卒不復。周乃侯其後於西翟。《史·三代世表》索隱。昭王生穆王。穆王生恭王。《詩》、《禮》正義併全上。恭王名伊扈。《史·周本紀》索隱。恭王生懿王及孝王。《詩》正義全上。恭王生懿王。《禮》正義全上。懿王名堅。《史》索隱全上。孝王生夷王。夷王生厲王。《詩》正義全上。懿王崩，弟孝王立。孝王崩，懿王太子變立，是爲夷王。《禮》正義全上。

共 和 附

宋衷曰：齊武公十年，宣王大臣共行政，故號曰共和。十四年，宣王即位。《史·十二諸侯年表》索隱。

平王生桓王林，林生莊王佗，佗生僖王胡齊，齊生惠王涼^①。涼生襄王鄭，鄭生頃王巨。《左·昭二十六年》正義。

①《史》索隱作“毋涼”。

劉夏逆王后於齊^①。

①案：《春秋·襄公十五年穀梁》疏云：“案《世本紀》，當頃王也。”故特載於此。

巨生匡王班及定王瑜，瑜生簡王夷，夷生靈王泄心，